

# Službene novine Federacije BiH, broj 48/17

Na osnovu člana 6. stav (2) tač. 2) i člana 11. stav (1) Zakona o internoj reviziji u javnom sektoru u Federaciji Bosne i Hercegovine ("Službene novine Federacije BiH", broj 47/08 i 101/16), federalna ministrica finansija donosi

## **PRAVILNIK**

### **O IZMJENAMA I DOPUNAMA PRAVILNIKA O USLOVIMA ZA OBAVLJANJE POSLOVA INTERNE REVIZIJE U JAVNOM SEKTORU U FEDERACIJI BOSNE I HERCEGOVINE**

#### **Član 1.**

U Pravilniku o uslovima za obavljanje poslova interne revizije u javnom sektoru u Federaciji Bosne i Hercegovine ("Službene novine Federacije BiH", broj 95/15, u daljem tekstu: Pravilnik), u članu 2. u četvrtom redu, iza riječi "fondova," dodaju se riječi "kao i pravna lica u kojima Federacija, kantoni ili općine imaju većinski vlasnički udjel".

U sedmom redu iza broja "47/08" dodaje se "i 101/16".

#### **Član 2.**

U članu 13. stav (1), tačka a) Pravilnika riječi "budžetskih korisnika" zamjenjuju se riječima "u javnom sektoru".

U stavu (2) tačka a) mijenja se i glasi:

#### **"a) Regulatorni okvir za računovodstvo i finansije u javnom sektoru u Federaciji:**

1. Planiranje i izvršenje budžeta/finansijskog plana u Federaciji BiH,
2. Trezorsko poslovanje,

3. Računovodstvo i revizija u Federaciji BiH,
4. Računovodstvena praksa,
5. Javne nabavke,
6. Finansijsko izvještavanje u javnom sektoru u Federaciji BiH."

U stavu (2) tačka b) mijenja se i glasi:

**"b) Regulatorni okvir za internu reviziju u javnom sektoru:**

1. Osnove interne revizije u javnom sektoru u Federaciji BiH,
2. Uspostava interne reviziju u javnom sektoru u Federaciji BiH,
3. Uslovi za obavljanje poslova interne revizije u javnom sektoru u Federaciji BiH,
4. Procjena rizika i planiranje interne revizije u javnom sektoru u Federaciji BiH,
5. Provođenje interne revizije u javnom sektoru u Federaciji BiH,
6. Kodeks etike za interne revizore,
7. Standardi za profesionalnu praksu interne revizije,
8. Provjera kvalitete interne revizije u javnom sektoru u Federaciji BiH."

**Član 3.**

U članu 15. u st. (4), (5) i (6) Pravilnika broj "60%" zamjenjuje se brojem "70%".

**Član 4.**

U članu 20. Pravilnika, stav (1) zamjenjuje se novim stavom (1) koji glasi:

"(1) Izuzetno od odredbe člana 18. stav (1) ovog Pravilnika, Ministarstvo će na osnovu pisanog zahtjeva izdati certifikat o stečenom zvanju: interni revizor za javni sektor svim licima koja ispunjavaju uslove iz člana 7. ovog Pravilnika i koja posjeduju certifikat ovlaštenog internog revizora za oblasti: budžet i neprofitne organizacije, javni sektor, privreda i informacione tehnologije, izdat najkasnije do 30.06.2017. godine od strane strukovnog udruženja."

U stavu (2) broj "2016" zamjenjuje se brojem "2018".

#### **Član 5.**

Član 21. Pravilnika se briše.

Dosadašnji čl. 22, 23. i 24. postaju novi čl. 21, 22. i 23.

#### **Član 6. (Stupanje na snagu)**

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

Broj 10-02-1-4032/17  
13. juna 2017. godine  
Sarajevo

Ministrica  
**Jelka Milićević**, s. r.